



## Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei  
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

**Hevenesi, Gábor**

**Coloniæ Agrippinæ, 1709**

III. Decembris.

[urn:nbn:de:hbz:466:1-50916](#)

S. Franciscus Xaverius usque ad Dæmonum indignationem in Deiparam pius , à quibus noctu coram ejus icone orans verberatus, non nisi imploratâ ejus ope liberatus est. Conceptionis ejus sine macula cultum tam latè per orbem utrumque , quam Christi fidem, propagavit , & eam se ad mortem usque defensurum voto sanxit. Tursell. Quis Matri, cùm possit, favere nolit ?

Magne Indiarum Apostole, orbis Thaumaturge, Angele, Confessor, Virgo , Martyr, Doctor , Propheta Sancte Xaveri , qui plurimos à Deipara favores, etiam tibi spectabili , acceptisti, ora nunc apud eam pro me, ut mei nunc & maximè in agone velit meminisse , quæ nisi opituletur, infelix præda cadam inimicorum. O Sanctissima Dei , & mea, Mater pretiosissima ! ego N. indignissimus filius tuus ex toto corde, omnib[us]que tam corporis , quam animæ viribus centies millies, imò infinites te saluto : &c. fol. 190.

Ad quod impetrandum : familiarem mihi hodie reddam Xaverii vocem : *Mater Dei memento mei ! Domina opitulare !* Quæ ad numerum granorum rosarii geminare potero.

Thesaurus domini est Maria , & thesauraria gratiarum , ipsius donis spiritualibus ditat copiosissimè servientes sibi , & potentissimè protegit. Ex Idiose.

Quæstio: Die, an nocte plus amori Mariano vacaverit S. Xaverius ?

IV. DE-